



Na osnovu člana 18. stav 2., a vezano za član 10. stav 1. tačka b), Zakona o javnim nabavkama BiH („Službeni glasnik BiH“ br. 39/14), člana 63. Statuta JP Elektroprivreda BiH d.d. – Sarajevo, ZD Rudnici „Kreka“ d.o.o – Tuzla br. S-3241/16 od 11.11.2016. godine i Saopštenja Agencije za javne nabavke BiH br. 02-02-1-489-1/20 od 17.03.2020. godine, Uprava Društva na sjednici održanoj dana 02.04. 2020. godine d o n o s i

ODLUKU o izuzeću od primjene Zakona o javnim nabavkama BiH

Član 1.

Od primjene Zakona o javnim nabavkama BiH izuzima se nabavka roba – **Materijal i oprema za prevenciju širenja Corona virusa COVID-19 (medicinske rukavice, maske, sapuni, zaštitne naočare, dezinfekciona sredstva, zaštitni kombinezoni i ostali materijal i oprema namjenjena isključivo za prevenciju širenja COVID-19).**

Predmetne nabavke će biti definisane u zapisnicima Kriznog štaba Društva.

Član 2.

Procijenjena vrijednost nabavke iz člana 1. ove Odluke iznosi **do 20.000,00 KM.**

Član 3.

Predmetna nabavka nije predviđena u Planu poslovanja Društva za period 2019. – 2021. godina, dio koji se odnosi na 2020. godinu niti u Inicijalnom planu nabavki za 2020. godinu.

Predmetna nabavka teretit će troškove tekućeg poslovanja sa grupu konta 511 (Utrošene sirovine i materijal) i grupu konta 514 (Otpis sitnog inventara, ambalaže i auto guma).

Član 4.

Nabavka materijala i opreme za prvenciju širenja corona virusa COVID-19 vršit će se, sukcesivno, prema iskazanim potrebama, počev od dana stupanja ove Odluke na snagu pa do okončanja vanrednog stanja ili do realizacije finansijske vrijednosti iz člana 2. ove Odluke u ovisnosti od toga koji uslov prije nastupi.

Za nabavku materijala i opreme za prevenciju širenja Corona virusa COVID-19 u informacioni sistem „e-nabavke“ unijet će se izvještaj, u skladu sa izvještajem koji se odnosi na izuzeće od primjene Zakona o javnim nabavkama BiH.

Član 5.

Ova Odluka stupa na snagu danom donošenja i bit će objavljena na službenoj stranici JP Elektroprivreda BiH d.d. – Sarajevo, ZD Rudnici „Kreka“ d.o.o. – Tuzla (www.kreka.ba).

Obrazloženje

Svjetska zdravstvena organizacija je dana 11.03.2020. godine službeno proglasila pandemiju, Vlada F BiH je dana 16.03.2020. godine donijela Odluku o proglašenju nesreće uzrokovane pojavom Corona virusa (COVID-19) na području FBiH, te s tim u vezi Agencija za javne nabavke BiH izdala je saopštenje br. 02-02-1-489-1/20 od 17.03.2020. godine za ugovorne organe, a vezano za nabavke koje su neophodne za sprečavanje širenja kao i ublažavanja posljedica Corona virusa (COVID-19).

Nabavke iz člana 1. ove Odluke moraju se realizovati u roku od 1 ili 2 sata, ili čak u roku od nekoliko minuta, te objektivno nije moguće provesti niti jedan postupak predviđen ZJN BiH.

Primjena postupka javne nabavke, odnosno vrijeme potrebno za provođenje istih, prouzrokovalo bi izuzetno negativne posljedice.

Nabavke se ne mogu odugovlačiti i mogu se odnositi samo na one nabavke koje su nepohodne da bi se spasili ljudski životi ili ublažila epidemija ili materijalna šteta.

Shodno navedenom, odlučeno je kao u dispozitivu ove Odluke.

Broj: U- 792 /20
Tuzla, 03.04.2020. godine

Dostaviti:

- 04/1
- a/a



v.d. Direktor

Elnur Dizdarević